

青泥蓮花記

青泥蓮花記卷七

江東梅禹金纂輯 從弟梅詎生校

記從一

孝武李夫人傳漢

李夫人本以倡進初夫人兄延年性知音善歌  
舞武帝愛之每為新聲變曲聞者莫不感動延  
年侍上起舞歌曰北方有佳人絕世而獨立一  
顧傾人城再顧傾人國寧不知傾城與傾國佳  
人難再得上嘆息曰善世豈有此人乎平陽主

因言延年有女弟上乃召見之實妙麗善舞由是得幸生一男是為昌邑哀王李夫人少而蚤卒上憐閔焉圖畫其形於甘泉宮及衛思后廢後四年武帝崩大將軍霍光緣上雅意以李夫人配食追上尊號曰孝武皇后初李夫人病篤上自臨候之夫人蒙被謝曰妾久寢病形色毀壞不可以見帝願以王及兄弟為託上曰夫人病甚殆將不起一見我屬託王及兄弟豈不快哉夫人曰婦人貌不修飾不見君父妾不敢以

燕婧見上曰夫人第一見我將加賜千金而予  
兄弟尊官夫人曰尊官在帝不在一見上復言  
欲必見之夫人遂轉鄉飲歎而不復言於是不  
悅而起夫人姊妹讓之曰貴人獨不可一見上  
屬託兄弟耶何為恨上如此夫人曰所以不欲  
見帝者乃欲以深託兄弟也我以容貌之好得  
從微賤愛幸於上夫以色事人者色衰而愛弛  
愛弛則恩絕上所以拳拳顧念我者乃以平生  
容貌也今見毀壞顏色非故必畏惡吐棄我意

尚肯復追思闕錄其兄弟哉及夫人卒上以厚  
禮葬焉其後上以夫人兄李廣利為貳師將軍  
封海西侯延年為協律都尉上思念李夫人不  
已方士齊人少翁言能致其神乃夜張燈燭設  
帷帳陳酒肉而令上居他帳遙望見好女如李  
夫人之貌還幄坐而步又不得就視上愈益相  
思悲感為作詩曰是邪非邪立而望之偏何姍  
姍其來遲令樂府諸音家絃歌之上又自為作  
賦以傷悼夫人其詞曰美連娟以修嫿兮命櫟

絕而不長飾新宮以延竚兮泯不歸乎故鄉慘  
鬱鬱其蕪穢兮隱處幽而懷傷釋輿馬於山楸  
兮奄修夜之不陽秋氣惜以淒淚兮桂枝落而  
銷亡人榮榮以遙思兮精浮游而出壘託沈陰  
以壙久兮惜蕃華之未央念窮極之不遠兮惟  
幼眇之相羊函菱族以俟風兮芳雜襲以彌章  
的容與以猗靡兮縹飄姚墟愈莊燕淫衍而撫  
楹兮連流視而蛾揚既感激而心遂兮包紅顏  
而弗明驩接狎以離別兮宵寤夢之芒芒忽遷

化而不返兮魄放逸以飛揚何靈魂之紛紛兮  
東裴回以躊躇執路日以遠兮遂荒忽而辭去  
超兮西征屑兮不見濱淫敞克寐兮無晉思若  
流波怛兮在心亂曰佳俠函光隕朱榮兮嫉妬  
關茸將安程兮方時隆盛年夭傷兮弟子增欷  
洿沫悵兮悲愁於邑喧不可止兮響不虛應亦  
不已矣嫵妍太息嘆稚子兮慙慄不言倚所恃  
兮仁者不誓豈約親兮既往不來申以信兮去  
彼昭昭就冥冥兮既下新宮不復故庭兮嗚呼

哀哉想魂靈兮其後李延年弟季坐姦亂後宮

廣利降匈奴家族滅矣

漢書外戚傳

武帝思懷往者李夫人不可復得時始弄昆靈之地泛翔禽之舟帝自造歌曲使女伶賦之時日已西傾涼風激水女伶歌聲甚適因賦落葉哀蟬之曲曰羅袂兮無聲玉墀兮塵生厖房冷而寂寞落葉依於重扁望彼美之女兮安得感余心之未寧帝聞唱動心悶悶不自支特命龍膏之燭以照舟內悲不自止親侍者覺帝容色

愁然乃遣洪梁之酒酌以文螺之卮卮出波祗  
之國酒出洪梁之縣此出右扶風至哀帝廢此  
邑南人受此釀法今言雲陽出美酒兩聲相亂  
矣帝飲三爵色悅心歡乃召女伶出侍帝息於  
延涼室卧夢李夫人授帝薜蘿之香帝驚起而  
香氣猶著衣枕歷月不歇帝彌思求終不復見  
涕泣浹席遂改延涼室為遺芳夢室初帝深嬖  
李夫人死後常思夢之或欲見夫人帝貌顚顚  
嬪御不寧詔李少君與之語曰朕思李夫人其

可得乎少君曰可遙見不可同於緯幄暗海有  
潛英之石其色青輕如毛羽寒盛則石溫暑盛  
則石冷刻之為人像神悟不異真人使此石像  
往則夫人至矣此石人能傳譯人言語有聲無  
氣故知神異也帝曰此石像可得否少君曰願  
得樓船巨力千人能浮水登木皆使明于道術  
齋不死之藥乃至暗海經十年而還昔之去人  
或升雲不歸或託形假死復反者四五人得此  
石命工人依先圖刻作夫人形刻成置於輕紗

幙裏宛若平生帝大悅問少君曰可得近乎少  
君曰譬如中宵忽夢而晝可得近觀乎此石毒  
宜遠望不可逼也勿輕萬乘之尊惑此精魅之  
物帝乃從其諫見夫人畢少君乃使舂此石人  
為丸服之不復思夢帝乃築靈夢臺歲時祀之

烏

王于年拾遺記

齊陸

李夫人及貴人歌

云屬車挂席

蒲

復姜絕坐

菱絕對

藤燕臨

丹陛泣

振塗寡鶴

鷗

雌飛乳止

離梁翠壁

網如珠

同房

明月夜對

此

注如珠

唐李商隱

李夫人歌

云一帶不結

心兩股方安

菜

黃枝多

擘秋蓮的

獨自有

波光

絲囊咸不得

垂

絲繁條

脫妍眼和

香眉壽宮

不惜鑄

南人柔

陽早不被秋波割清澄有餘幽素香餌魚渴鳳真  
珠房不知瘦骨顛冰井更許支簾通曉霜土花  
漢碧雲重開夫入飛入瓊瑤臺綠香繡帳何時  
歌青雲無光宮水咽翻聯桂花墜秋月孤鸞望  
帝商絲發紅壁闌瑞懸佩璫歌臺小妓遙相望  
王蟾滴水鷄人唱露華蘭葉參差花  
璿閨羽帳華燭陳方士夜降夫人神藏凝半露  
芙蓉色窈窕將期環佩身麗如三五月可望難  
親近頻黛含犀竟不言春思秋怨誰能問欲求  
巧笑如初生時歌座在空瑟銜絲神未死東流萬  
見帝比初亡心更慙愛之欲其生又死愁方士  
代無回水宮漏下丁夜向晨烟銷霧散上涕零  
爭奈世間惆悵在昔宮夜看圖形人白居易  
云漢武帝初喪李夫哀夫人時不肯別死復  
留得生前恩君恩不盡念未已耳泉殿裏令方  
真丹青畫出竟何益不言不笑愁殺人又令方

士合靈藥玉釜煎煉金爐焚九華帳深夜悄悄  
反魂香既來何苦不須更與綈在何處揚香烟引到  
焚香處既來何苦不須更與綈在何處揚香烟引到  
何速兮來何速兮來何速兮來何速兮來何速兮來何速兮來  
生貌不似昭陽寢疾時竟之不知翠娥鬢平  
來傷心亦悲背陽寢疾時竟之不知翠娥鬢平  
遺王三日獨漢武臺前傷盛姬又若斯君不見  
穆王三日獨漢武臺前傷盛姬又若斯君不見  
拘淚馬嵬坡口念楊妃縱令妍姿盡物質化為  
此恨長在無銷期生亦惑死亦惑凡物或人為  
情不得如不遇傾城色

舞娥異唐

李八座舞潭州席上有舞柘枝者匪疾而顏色  
憂悴殷堯藩侍御當筵而贈詩曰姑蘇太守青

娥女流落長沙舞柘枝滿座繡衣皆不識可憐  
紅臉淚雙垂明府詰其事乃故蘇臺韋中丞愛  
姬所生之女也曰妾以昆弟夭喪無以從人委  
身於樂部恥辱先人言訖涕咽情不能堪亞相  
為之吁嘆且曰吾與韋族其姻舊矣速命更其  
舞服飾以袿襦延與韓夫人相見顧其言語清  
楚宛有冠蓋風儀撫念如其所勝遂於賓榻中  
選士而嫁之也舒元興侍郎聞之自京馳詩贈  
李公曰湘江舞罷忽成悲便脫鸞靴出絳帷誰

是蔡邕琴酒客魏公懷舊嫁文姬雲谿友

武昌妓

韋蟾廉問鄂州及罷任賓僚盛陳祖席蟾遂書  
文選句云悲莫悲兮生別離登山臨水送將歸  
以箋毫授賓從請續座中悵望皆思不屬逡巡  
女妓泫然起曰某不才不敢染翰欲口占兩句  
韋大驚異令隨寫之武昌無限新栽柳不見楊  
花撲面飛座客無不嘉歎草令唱作楊柳枝詞  
極歡而散贈數千緡納之一翌日共載而發雜言

雜言

張住住

張住住者南曲所居卑陋有二女兒不振是以門甚寂寞為小鋪席貨草剝薑果之類住住其母之腹女也少而敏慧能辨音律鄰有龐佛奴與之同歲亦聰警甚相悅慕年六七歲隨師於衆學中歸則轉教住住私有結髮之契及住住將笄其家拘管甚切佛奴稀得見之又力窘不能致聘俄而里之南有陳小鳳者欲權聘住住蓋求其元已納薄幣約其歲三月五日及月初

音耗不通兩相疑恨佛奴因寒食爭毬故逼其  
牕以伺之忽聞住住曰徐州子看看日中也佛  
奴龐勛同姓傭書徐郎因私呼佛奴為徐州子  
日中蓋五日也佛奴甚喜因求住住云上巳日  
我家踏青去我當以疾辭彼即自為計也佛奴  
因求其鄰宋姬為之地姬許之是日舉家踏青  
去而姬獨留住住亦留住住乃鍵其門伺於東  
牆聞佛奴語聲遂梯而過佛奴盛備酒饌亦延  
宋姬因為謾寢所以遂生平既而謂佛奴曰子

既不能見聘今且後時矣隨子而奔兩非其便  
千秋之日可徐圖之五日之言其何如也佛奴  
曰此我不能也但願保之他日住住又曰小鳳  
亦非娶我也其旨可知也我不負子矣而子其  
可便負我家而辱之乎子必為我之計佛奴許  
之市中素有畜鬪雞者佛奴常與之狎至五日  
因覓其冠取丹物託宋姬致於住住既而小鳳  
以為獲元甚喜又獻三緡于張氏遂往來不絕  
復貪住住之明慧因欲嘉禮納之時小鳳為平

康富家車服甚盛佛奴傭於徐邸不能給食母兄喻之鄰里譏之住住終不捨佛奴指堦井曰若逼我不已骨董一聲即了矣平康里中數多輕薄小兒遇事輒唱住住誑小鳳也鄰里或知之俄而復值北曲王團兒假女小福為鄭九郎主之而私於曲中盛六子者及誕一子滎陽撫之甚厚曲中唱曰張公喫酒李公顛盛六生兒鄭九憐舍下雄雞傷一德南頭小鳳納三千久之小鳳因訪住住微聞其唱疑而未察其與住

住昵者詰旦告以街中之辭曰是日前佛奴雄雞因避鬪飛上屋傷足前曲小鐵鑪田小福者賣馬街頭遇佛奴父以為小福所傷遂歐之住位亦有口辯因撫掌曰是何龐漢打他賣馬街頭田小福街頭唱舍下雄雞失一足街頭小福拉三拳且雄雞失德是何謂也小鳳既不審且不喻遂無以對住住因太哈遞呼家人隨弄小鳳甚不自足住、因呼宋媼使以前言告佛奴奴視雞足且哀遂以生絲纏其雞足置街中召

羣小兒共變其唱住住之言小鳳復以住住家  
噪弄不已遂出街中以避之及見雞跛又聞改  
唱深恨向來誤聽乃益市酒肉復之張舍一夕  
宴語甚歡至旦將歸街中又唱曰莫將龐大作  
救團龐大皮中的不乾不怕鳳凰當額打更將  
雞腳用筋纏小鳳聞此唱不復詣住住佛奴初  
傭徐邸邸將甚憐之為致職名竟禪邸將終以  
禮聘住住將連大第而小鳳家事日蹙復不侔  
矣此

鄭史開成元年登第經過池陽廡使崔君悅一  
妓行雲有詩云最愛鉛華薄薄粧更兼衣薄又  
驚黃從來南國名佳麗何事今朝在北行臨岐  
博陵公輟贈之

唐詩紀事

### 藥珠

袁皓宜春人咸通進士初登第過岳陽悅妓藥  
珠以詩寄嚴使君曰得意東歸過岳陽桂枝香  
惹藥珠香也

萬恨只憑期赴手寸心唯繫別離腸南亭宴罷  
笙歌散回首煙波路渺茫嚴君以妓贈之

全唐詩話

### 常州樂伎

杜晦辭自南曹郎為趙公隱從事於朱方王郢  
之叛趙相國以撫御失宜致仕晦辭罷職時北  
門李相國在淮海辟為判官晦辭以恩門休戚  
退隱於陽羨別業時論多之永寧劉相國鎮淮  
南又辟為節度判官方始應命稍狂於美色赴  
淮南之召路經常州李瞻給事為郡守晦辭於

祖席忽顧樂營妓人朱娘言別因掩袂大哭曉  
曰此風聲賤人員外如要但言之何用形迹乃  
以步輦隨而遣之晦辭自飲筵散不及換便服  
步解舟中以告其內子內子性仁和聞之無難  
色遽屨而迎之其喜於適願也如是

金華子  
襟編

### 茂英

舉子某乙洛中舉人也偶與樂妓茂英者相識  
英年甚小及乙到江外偶於飲席遇之因贈詩  
曰憶昔當初過柳樓茂英年小尚嬌羞隔窓未

省聞高語對鏡曾窺學上頭一別中原俱老大  
重來南國見風流彈絃酌酒話前事零落碧雲  
生暮愁舉子因謁節使遂客遊留連數月帥遇  
之甚厚宴飲既頻與酒糺諧戲頗洽一日告辭  
帥厚以金帛贖行復開筵送別因暗留絕句與  
紉曰少插花枝少下籌須防女伴妬風流坐中  
若打占相令除却尚書莫點頭因設舞曲遺詩  
帥取覽之當時即令人所在送付舉子

盧氏  
襟記

轉轉

韓定辭為鎮州王鎔書記聘燕帥劉仁恭命幕  
客馬彧延接彧復持燕命荅聘常山亦命定辭  
接於公館時有妓轉轉者韓之所眷也每當酒  
席彧頻目之韓曰昔晉文公分季隗于趙衰孫  
伯符輟小喬於公瑾蓋以麗色可奉名人但慮  
倡姬不勝賢者之顧願垂一詠俾得奉之彧援  
筆文不停綴作轉轉之賦遂載以歸

北夢瑣言  
○耳目記

侯小師 石晉

王景之自唐奔晉也妻坐戮晉祖待之厚賞賜

萬計嘗問景所欲景稽顙再拜曰臣昔為卒嘗負胡牀從隊長出入屢過官妓侯小師家意甚慕之今妻被誅誠得小師為妻足矣晉祖大笑即以小師賜景甚寵嬖之累封楚國夫人

宋史

### 山南樂妓

宋一

曹翰破山南獲樂妓而歸一日遍詢其氏族曰某即韓侍郎熙載之女也翰曰韓侍郎江南名士朝廷嘗以名妓許我豈宜以士君子女為妾以禮嫁之

青瑣後集

胡文媛 蜀魁傳

茹魁河東人不載其名字諱之也在都下與名妓胡文媛往來既久媛欣然奉之魁出則闔戶雖萬金之子莫得見媛嘗為蜀葵花詩却有一端宜恨處開花相背有何功媛曰物之同本者開花則相背况二姓結一生之好能無反覆乎歲餘媛生一女魁凡百皆取足於媛後數年魁高第唱名又居第一與其友謀絕媛之策乃置酒召嘗往還者為會媛知其意曰妾遇君情同

伉儷君背盟約輕信閒談魁曰爾心如玉事有  
不得已者且天地有混闢日月有圓缺夫婦有  
義則合無義則離媛曰妾盡家資以奉子導通  
塞以遂君何嘗無義夫飛燕本從宮妓李娃亦  
是倡始今仕宦之家淪沒售身流而為娼者幸  
不幸也君女候成人嫁之妾劉首以謝鄭玉為  
厲當踵前人自是不食魁留滯未有計或謂子  
之父知子成名兼歸見其面一切不問魁喜告  
媛曰吾與子事諧矣乃治裝挈媛以歸

續片瑣  
高議

鄱陽小鬟吹餉錄亦載○西溪叢語范有寄綿臘脂詩

范文正公守鄱陽郡創慶朔堂而妓籍中有小

鬟尚幼公頗屬意既去以詩寄魏介曰慶朔堂

前花自裁便移官去未曾開年年長有別離恨

已托春風幹當來介因囑以惠公今郡中有石

刻魏泰詩話○泰在宋好撰偽書如碧雲駝詭名先都官聖俞誣構賢士大夫即范文正不

免則此亦未必范有之姜叔明論司馬溫公

席上西江月詞所謂室髻鬆鬆綰就者此宣和

間取溫公獨為君子托為之詞然青箱東臯又

有溫公阮郎歸錦堂春若張忠定韓魏公曹脩

古吳毅甫文丞相諸公並有賦咏寄情不淺即

都官有花娘歌翡翠詞侯鯖錄載之云謹厚者

長七

亦復為之吳處淳曰文章絕古不害其為邪文  
章豔麗不害其為正世或見人文章鋪陳仁義  
道德便謂正人若言及花草  
月露便謂邪人亦不盡然也

### 江淮官妓

柳耆卿嘗在江淮睽一官妓臨別以杜門為期  
既來京師日久未還妓有異圖耆卿聞之怏怏  
會宋儒林往江淮柳因作擊梧桐詞以寄之曰  
杳靨深深姿姿媚媚雅格奇容天與自識伊來  
便好看伊會得妖嬈心素臨岐再約同歡定是  
都把平生相許又恐恩情易破難成未免千般

思慮近日書來寒暄而已苦設忉忉言語便思  
得聽人教當擬把前言輕負見說蘭臺宋玉多  
才多藝善詞賦試與問朝朝暮暮行雲何處去  
妓得此詞遂負媿竭產泛舟來輦下終身從者  
卿焉

古今詞話及  
柳屯田樂章

周韶 胡楚 龍靚

杭妓周韶胡楚龍靚皆有詩名韶好蓄奇茗嘗  
與蔡君謨鬪勝之蘇子容過杭太守陳述古飲  
之召韶佐酒韶因子容求落籍子容指簷間白

鸚鵡曰可作一絕韶援筆揮曰隴上巢空歲月  
驚忍看回首卽梳翎開籠若放雪衣却長念觀  
音般若經時韶有服衣白一坐笑賞述古遂令  
落藉時楚靚皆同席楚贈之詩云淡妝輕素鶴  
翎紅移入朱闌便不同應笑西湖舊桃李強勻  
顏色待春風靚詩云桃花流水本無塵一落人  
間幾度春解珮暫酬交甫意濯纓還見武陵人

陳直方妾稽

陳直方之妾本錢塘妓人也丐新詞於蘇子瞻

子瞻因直方新喪正室而  
錢塘人好唱陌上花  
緩曲乃引其事以戲之  
詞則江神子也詞  
曰玉人家在鳳凰山水雲中掩門關門外行人  
立馬看弓彎十里春風誰指似斜日映繡簾班  
多情好事與君還悶新鰥  
拭餘潛明月空江香  
霧雲鬟陌上花開看盡也聞舊曲破朱顏

鄭容高瑩

藁蘭集云贈  
潤守許仲涂

東坡自錢塘被召過潤州林子中作郡守有會  
坐中營妓出牒鄭容求落籍高瑩求從良子中

坐呈東坡東坡索華作減字木蘭花書牒後云  
鄭莊好客容我樓前先墮幘落華生風籍心聲  
名不負公高山白早瑩骨冰肌那解老從此南  
徐良夜清風月滿湖時用鄭容落籍高瑩從良  
八字于句端也東皐雜錄

九尾野狐

泥水燕談錄亦載

錢塘一官妓性善媚惑人號曰九尾野狐東坡  
先生適是邦關守權攝九尾野狐者一日下狀  
解籍遂判云五日京兆判斷自由九尾野狐從

良任便復有一名娼亦援此例判云敦台南之  
化此意誠可佳空冀北之羣所請宜不允錄侯鯖

張英英

宋陳后山寄曹州晁大夫詩云墮絮隨風化作  
塵黃櫻桃李不成春只今容有名駒子困倚闌  
干一欠伸自注云周昉畫美人有背立欠伸者  
最為妍絕東坡所賦麗人行也任天社云此篇  
言徐州風物後山嘗有詞并序云晁大夫增飾  
披雲初歆壓黃樓而張馬二子皆當年羈下世

所謂英也。盼者，盼卒英嫁而盼之子瑩頗有  
家風而曹妓未有顯者。黃樓不可勝也。作南鄉  
子以歌之曰：風絮落東鄰，點綴繁枝。旋化塵關，  
鑽玉樓巢燕。子冥冥桃李推殘，不見春流轉。到  
如今翡翠生冠翠，作衾花樣，腰身宮樣，立娉  
困倚闌干。一知伸蓋前云：風絮以屬英塵化以  
屬盼名駒子以屬瑩之母馬氏也。  
菊坡叢話及詩林廣記

楊玉

京師孝感坊有邢知縣即一推官並門居邢之妻

即單之姊單有子名符郎邢有女名春娘年齒  
相上下在緦襦中已議婚宣和丙午夏邢挈家  
赴鄧州順陽縣官守單亦舉家往揚州待推官  
闕約官滿日歸成婚是冬戎寇大擾邢夫妻皆  
遇害春娘為賊所虜轉賣在全州娼家名楊玉  
春娘十歲時已能誦語孟詩書作小詞至是娼  
姬教之樂色事藝無不精絕每公庭侍宴能將  
舊詞更改皆對境有著模處玉為人體態容貌  
清秀舉措閒雅不事持口吻以相嘲諢有良人

風度前後守倅皆重之單推渡江累遷至郎官  
與邢聲迹不相聞紹興初符郎受父蔭為全州  
司戶是時一州官屬推司戶年少司戶見楊玉  
甚慕之亦有意而未有因司理與司戶契分相  
投將與之為地而太守嚴明未敢居二年會新  
守至守與司理有舊司戶又每蒙前席於是司  
理置酒請司戶只點楊玉一名祇候酒半酣司  
戶佯醉嘔吐偃息于書齋司理令楊玉侍奉藥  
酒湯因得一遇會以遂所欲司戶褒美楊玉謂

其知書多才藝因曰汝必是一箇名公苗裔但不可推究果是何人王羞愧曰妾本是宦族流落在此非楊姬所生也司戶因問其父是何官何姓王涕泣曰妾本姓邢在京師孝感坊居住幼年許與舅之子結婚父授鄧州順陽縣知縣不幸父母皆遭寇隕命妾被人掠賣至此司戶復問曰汝舅何姓何官其子何名王曰舅姓單是時得揚州推官其子名符郎今不知存亡如何因大泣下司戶爲慰勞之曰汝即日鮮衣美

食時官皆憂重而不肖輕賤有何不可王曰妾  
聞女子生而願為之有家若嫁一小民布裙短  
袂啜菽飲水亦是人家媳婦今在此中迎新送  
舊是何情緒司戶心知其為春娘也然未有所  
處而未敢言後一日司戶置酒回司理復召楊  
玉佐樽遂不復與狎昵因好言正色問曰汝前  
日言為小民婦亦所甘心我今喪偶無正室汝  
肯隨我乎王曰豐衣足食不用送往迎來此亦  
妾所願也但恐新孺人歸不能相容若見有孺

人妾自去稟知一言決矣司戶知其厭惡風塵  
出于誠心乃發書告其父初靖康之末邢有弟  
號四承務渡江居臨安與單往來單持在省為  
郎官乃使四承務具狀經朝廷徑達全州乞歸  
良續舊婚符既下單又致書與太守四承務自  
賫符并單書到全州司戶請司理召王告之以  
實且戒以勿泄後日司戶自袖其父書并省符  
見太守守曰此美事也敢不如命既而日中文  
引不下司戶疑有他變密使人探之見厨司正

鋪排開宴司戶曰此老尚作少年態耶然錯處  
非一拍此亦何足恤也既而果召楊玉祗候只  
通判二人酒半席太守謂玉曰汝今為縣君矣  
何以報我玉荅曰妾一身皆判府之賜所謂生  
死而骨肉也何以報德太守乃抱持之謂曰雖  
然必有以報我通判起立正色謂太守曰昔為  
吾州弟子今是司戶孺人君子進退當以禮太  
守踧踖謝曰老夫不能忘情非判府之言不知  
其為過也乃令玉入宅堂與諸女同處却召司

理司戶四人同坐至天明極歡而罷晨朝視事  
下文引告翁媼翁媼出其不意號哭而來曰養  
女十餘年用盡心力今更不得相別春娘出諭  
之曰吾夫妻相尋得着亦是好事我十年雖汝  
恩養然所積金帛亦多足為汝養老之計媼猶  
號哭不已太守叱之使去既而太守使州司人  
從自宅堂擡出玉與司戶同歸衙司理為媒四  
承務為主如法成婚任將滿春娘謂司戶曰妾  
失身風塵亦荷翁媼愛育亦有義姊妹情分厚

者今既遠去終身不相見欲具少酒食與之話  
別如何司戶曰汝事一州之人莫不聞之胡可  
隱諱此亦何害春娘遂置酒禮就會勝寺請翁  
媼及同列者十餘人會飲酒酣有李英者本與  
春娘連居其樂色皆春娘教之常呼為姊情極  
相得忽起持春娘手曰姊今超脫出青雲之上  
我沉淪糞土中無有出期遂失聲慟哭春娘亦  
哭李英針線特妙春娘曰我司戶正少一針線  
人但吾妹平日與我一等人今豈能為我下邪

英曰我在風塵中常退姊一步況今日有雲泥之隔嫡庶之異若得姊為我方便得脫此一門路是一段陰德事若司戶左右要針線人姊得我為之則素相諳委勝如生分人也春娘歸以語司戶不許曰一之為甚其可再乎既而英屢使人來促司戶不得已拚一失色懇告太守曰君欲一箭射雙鷗邪敬當奉命以贖前此通判所責之罪司戶挈春娘歸舅姪見之相持大哭既而問李英之事遂責其子曰吾至親骨肉流

落失所理當收拾又更旁及外人豈得已而不  
已邪司戶皇恐欲令其改嫁其母見李氏小心  
婉順遂留之居一年李氏生男邢氏養為己子  
符郎名飛英字騰實罷全州幕職歷令丞每有  
不了辦公事上司督責聞有此事以為知義往  
往多得解釋紹興乙亥歲自夔倅奉祠寄居武  
陵邢李皆在側每對士大夫具言其事無所隱  
諱人皆義之

撫青  
襦說

岳楚雲

周美成在姑蘇與營妓岳楚雲相戀後從京師  
過吳則岳已從人久矣因飲于太守燕巒子高  
坐上見其妹作點絳脣詞寄之云遼鶴西歸故  
人多少傷心事短書不寄魚浪空千里○憑仗  
桃根說與相思意愁何際舊時衣袂猶有東風  
淚楚雲讀之感泣者累日

夷堅  
支志

### 蘇小卿

蘇小卿廬州娼也與書生雙漸交昵情好甚篤  
漸出外久之不還小卿守志待之不與他狎其

母私與江右茶商馮魁定計賣與之小卿在茶  
船月夜彈琵琶甚怨過金山寺題詩于壁以示  
漸云憶昔當年拆鳳凰至今消息兩茫茫蓋棺  
不作橫金婦入地當尋折桂郎彭澤曉烟迷宿  
夢瀟湘夜雨斷愁腸新詩寫記金山寺高掛雲  
帆上豫章漸後成名經官論之復還為夫婦傳  
○此亦談說家近里俗然元人喜咏之販茶船  
金山寺豫章城隍剝仰山莊錄揚州李妙惠載  
其詩為盧進  
妻未知何據

謝天香

鉅野有穠芳亭邑人秋成報祭所也一日鄉耆  
謀立石其中延士人王維翰書穠芳亭字維翰  
久之未至有妓謝天香者問云祀事既畢何為  
遲留不飲衆曰俟維翰書石耳謝遂以其袖當  
筆書穠芳二字會維翰至書亭字以完之父老  
遂命刻之石王謝遂成夫婦後王戲謝詩曰昔  
日章臺曾舞腰行人無不折枝條天香曰從今  
已付丹青手壹任狂風不動搖後維翰登進士  
與天香偕老志

青泥蓮花記卷八

江東梅禹金纂輯 從弟梅誕生校

記從二

西閣寄梅記

宋二馬瓊瓊

朱端朝字廷之宋南渡後肄業上座與妓馬瓊瓊者往來久之情愛稠密馬屢以終身之託為言朱雖口從而心不許之蓋以妻性嚴謹不敢主盟非薄倖也端朝文華富贍瓊瓊知其非白屋久居之人遂傾心凡百費用皆瓊瓊給之秋

試高中捷報之來瓊瓊喜而勞之端朝乃淬勵  
省業以決春闈之勝既而到省愜意翌日揭榜  
果中優等及廷對之策失之大訐遂寘下甲初  
注授南昌尉瓊瓊力致懇曰妾風塵卑賤之人  
荷君未遽棄去今幸榮登仕版行將雲泥隔絕  
無復奉承枕席妾之一身終淪棄矣誠可憐憫  
欲望君與謀脫籍之計永執箕帚然固知君內  
政謹嚴妾當小心伏事無敢唐突萬一脫此業  
緣受賜於君誠不淺淺耳且妾之箱篋稍充若

與力圖去籍誠為不難端朝曰去籍之計固可  
主張但恐不能與家人相處使其無妬忌之態  
朝端為計亦不至今日盛意既濃阻之則近無  
情從之則虞有辱然既出汝中心即容與調護  
先入數語使其和同柔順庶彼此得以相安否  
則端朝之計無所施矣一夕端朝因間謂其妻  
曰我久居學舍雖近得一小官外人誠有助焉  
且我家貧急於干祿豈得待數年之闕我所得  
一官實出妓子馬瓊瓊之賜今彼欲傾箱篋求

託於我仍謀去籍彼亦能小心迎合人意脫彼  
於風塵之間此亦仁人之恩也其妻曰君意已  
決亦復何辭端朝喜謂瓊瓊曰初畏家人不從  
吾言試一叩之乃忻然相許端朝於是宛轉求  
託而瓊瓊花籍亦得脫去瓊遂搬囊橐與端朝  
俱歸在家既至門其正室一見如故端朝自是  
得瓊瓊所携而家遂稍豐因整理一區中闢二  
閣以東西扁名東閣正室居之乃令瓊瓊處於  
西閣後止有東西閣相通同處倏經三載闕期

已滿迺吏前至端朝以路遠俸薄不肯携累乃  
單騎赴任將行置酒與東西閣相宴因祝曰凡  
此去或有家信來往東閣西閣不能別書止混  
同一緘復書亦如之言畢端朝獨之南昌在路  
登涉稍艱既到南昌參州交印謁廟受賀復禮  
人事方畢而巡警繼至倏經半載乃得家信止  
東閣有書而西閣無之端朝亦不介意復書中  
但諭及東閣寬容之意仍指西閣奉承之勤書  
至竟不及見且曰縣尉之行也嘗曰作書回字

當與二閣共之今乃不獲覩此何意也東閣聞  
言頗嫉之欲去而未可西閣乃密遣一僕厚給  
裹足授以書祝之曰勿令東閣孺人知之及書  
至南昌端朝開緘絕無一字止見雪梅扇面而  
已因反覆觀玩及於後寫一詞名減字木蘭花  
云雪梅妬色雪把梅花相柳勒梅性溫柔雪壓  
梅花怎起頭芳心欲訴全仗東君來作主傳與  
東君早與梅花作主人端朝詳詞中之意則知  
西閣為東閣摧挫可知矣自是坐卧不安日夜

思欲休官賦歸去來之計蓋以僥倖一官皆西  
閣之力不忘本也後竟以尋醫為名而棄官歸  
來既至家而東西二閣相與出迎深怪其未及  
書考忽作歸計叩之不荅既而端朝置酒會二  
閣而言曰我僥倖一官羈迷千里所望二閣在  
家和順相容使我居官少安昨日見西閣所寄  
梅扇後書減字木蘭花一首讀之使人不遑寢  
食吾安得而不歸哉東閣乃曰君今仕矣且與  
妾判斷此事據西閣詞中所說梅花就是端朝

曰此非口舌所能割判當取紙筆來書其是非  
曲直遂作浣溪沙一闕以示二閣云梅正開時  
雪正狂兩般幽韻孰優長且宜持酒細端詳梅  
比雪花多一出雪如梅藥少此香花公非是不  
思量自後二閣歡會如初端朝亦不復出仕矣

蘇小娟

郎仁寶七脩類稿云蘇小小有二  
一作小南齊人一宋人即武林紀事者

蘇小小所寄詩小娟音初足証鑿矣田

井禾西湖志從小娟然宋實有蘇小小  
詠減字木蘭花者即未之引此似足証

蘇小娟錢唐名娼也俊麗工詩其姊盼奴與太

學生趙不敏甚洽久之不敏日益貧盼周給之  
使薦於業遂捷南省得官授襄陽府司戶盼奴  
未落籍不得偕老不敏赴官三載想念成疾而  
卒有祿俸餘貲囑其弟趙院判均分之一以贍  
院判一以送盼奴且言盼奴有妹小娟俊雅能  
吟可謀致之佳偶也院判如言至錢塘託宗人  
俾錢唐者召盼奴其家云盼奴一月前死矣小  
娟亦為盼奴所歡以於潛官絹誣攀繫府獄倖  
從獄中召小娟出詰之曰汝誘商人官絹百疋

何以償之小娟叩頭言此亡姊盼奴事乞賜周  
旋豈惟小娟感荷更生盼奴亦蒙恩泉下也倅  
喜其辭宛順因問汝識襄陽趙司戶否小娟曰  
趙君司戶未仕時與姊盼奴交好後中科授官  
去盼奴相思致疾而死倅曰趙司戶亦謝世矣  
遣人附一緘及餽物一罈外有其弟院判一緘  
付爾開之小娟自謂不識院判何人及析書惟  
一詩云當時名妓鎮東吳不好黃金只好書借  
問錢塘蘇小小風流還似大蘇無小娟得詩默

然倅索和之小娟以不能辭倅強之且曰不和  
即償官絹小娟不得已索紙援筆書云君住聚  
江妾住吳無情人寄有情書當年若也來相訪  
還有於潛絹也無倅大喜盡以所寄物與之免  
其償絹且為脫籍歸院判偕老也

武林紀事

蘇小小減字木蘭花附

別離情緒萬里關山如底數遣妾傷悲未必即  
家知不知自從君去數盡殘冬春又暮音信  
全乖等到花開不見來

薛倩

董賓卿字仲臣饒之德興人娶于同縣祝氏紹興中為漢州守卒於官家不能歸暫寓蜀其長子元廣亦娶于祝既服除調房州竹山令妻生三女而死元廣再娶一武人室秩滿挈家東下與蜀客呂使君同舟偕行日久往來相與如骨肉繼室微有姿色性復浮蕩元廣到臨安亦死呂陽示高義携其孥西還遂嫁以為外婦蓄之郫縣而三女莫知其亡矣祝次騫以兩世宗姻

之故痛惻于心屢囑鄉人制帥王恭簡公訪訪  
之杳無消息乾道初祝知嘉州就除利路運使  
正與呂為代惡其人不俟合符先期解印去歲  
在丙戌其子震亨東老攝四川總屬奏檄米成  
都道經綿州吳俟仲廣待制為綿守開宴恐之  
倡優畢集中一妓傍楹而立姿態恬雅不類流  
輩東老注目詢隊魁曰彼何姓名曰官人喜之  
邪曰非也吾見其不類爾曹故問之魁曰是薛  
倩也未暇應吳適舉杯勸飲又令隊魁更勸魁

笑曰君欲總幹滿飲非薛倩不可吳亦解顏曰  
素識其人乎曰吾未嘗至大府安得相識但見  
標格如野鶴在鷄羣似非個中人所以叩諸其  
長耳固無他也吳即令侍席因密諭之曰汝不  
是風塵中人何緣在此始猶含羞不語久之乃  
言我本良家兒女父祖皆仕宦不幸失身辱境  
想是前生業債今世償之夫復何說東老矍然  
感動曰汝祖汝父非漢州守竹山令乎倩驚泣  
曰官人何以知之東老曰汝母姓祝乎我姑也

吾聞汝母子流落尋訪累年未嘗少置懷抱不想邂逅于此又歷詢所由乃知為繼母鬻于薛媼得錢七十千今在籍歲餘矣語竟各慟淚一座傾駭爭致問東老曰其話甚長不可立談而盡他日當細言之酒罷歸館翌日倩偕其母來吳守亦至因備述本末丐為除籍吳曰此易事耳當如何曰正有望於公其人於震亨為表妹必當嫁之我此行凡有所餽餉為之資送費今且託之於令人所吳笑曰天下義事豈應一人

獨擅吾當以二十萬錢助之東老遂往成都越  
一月後還合所得為五十萬悉付倩吳喜曰已  
為擇一佳壻即嫁之矣壻史姓失其名次年預  
鄉薦又物色其兄弟所在運使皆賙以生理漢  
州之後賴以不絕

夷堅志

### 京倡

豐有俊字宅之四明人登青樓偶見小倡疑故  
人女累目之女亦悟酒罷留宿女羞澁良久乃  
入曰豐官人識妾否詰之果故人女豐曰某所

以留者以坐間不敢問也且各寢必有以處汝  
娼遂退豐與京尹有契明日以白尹且云某僅  
有錢百千從公更貸二百千嫁之尹嘉其誼即  
取入府厚廩具擇良士嫁焉尹即王宣子佐也  
釋史

同前

豐宅之赴南宮偕數友小飲娼館一娼美而豔  
豐悅之數調微詞娼亦相和荅良久或摘豐起  
曰君非豐運使郎君乎豐曰然曰召嘗以其年

過江州江州司理與君家有舊置酒召君乎豐  
駭然曰汝何以知之娼曰且飲酒他日為君言  
復就坐睇豐不覺捨豐疑焉飲罷與友別復追  
其室娼欣納之因叩其故悲泣曰某司理女也  
先人到相不幸病死家貧無以歸葬母氏粥我  
於人展轉至此數年矣憶召君時從屏間窺識  
以采坐客何人肴饌何物歷數不遺已而又慟  
哭豐勸之曰事已然無可柰何吾當試與汝道  
地翌日徑謁大尹張定叟具道其事且傾笈中

可得二十萬願以贖此女張大奇之立喚娼奪  
以畀豐復斥庫緡五百益貲裝之費遂改嫁為  
良人妻談藝○按談藪乃宋龐元英自號瘦竹  
翁所撰史乃元仇仁所撰則龐在元  
前而談藪敘致近詳不知仇何所為而以張定  
叟為王宣子也或別有據今兩存之○ 稗史此  
事在志  
善類

### 江柳

湘人陳說登第授岳陽教官踰牆與妓江柳狎  
頗為人所知時孟之經守岳聞其故一日公燕  
江柳不侍呼至杖之文其眉鬢間以陳說二字

仍押隸辰州妓之父母詣學官告訖云自忘去  
辰八百里且求資糧陳且泣且悔罄其所有及  
俸資衣物得千緡以六百贈柳餘付監押吏卒  
令善視且以詞餞別云鬢邊一點似飛鴉休把  
翠鈿遮二年三載千攔百就今日天涯楊花又  
逐東風去隨分入人家要不思量除非酒醒休  
照菱花柳將行會陸雲西以荆湖制司幹官需  
檄至岳與陳有故將至陳先出迎以情告陸陸  
即取空名制幹劄填陳姓名檄入制幙既而並

行陸入即開宴陸曰聞籍中有江柳者善謳誰  
是也孟即呼至柳花鈿隱眉間所文飲間陸越  
語孟曰能以柳見予否孟曰唯命陸咲曰君尚  
不能容一陳教豈能與我孟因叙說之過陸嘆  
慨既而終席陸呼柳問其事柳出說送別詞陸  
大嗟賞而再登席陸舉詞示孟且誚之曰君試  
目此作可謂不知人矣今制司檄說入幕將若  
之何孟求解於陸并召說同宴明日列薦說且  
除柳名遂將說如江陵見之闡公秋壑俾充幕

僚說不特洗一時之辱且有倖進之喜至今巴

陵傳為佳話焉

山房隨筆

聶勝瓊

詞選聶在  
前宋誤此

李之問儀曹解長安幕詣京師改秩都下聶勝

瓊名倡也質性慧黠公見而喜之李將行勝瓊

送別餞飲于蓮花樓唱一詞末句曰無計留春

住奈何無計隨君去李復留經月為細君督歸

甚切遂飲別不旬日聶作一詞以寄李云玉慘

花愁出鳳城蓮花樓下柳青青樽前一唱陽關

後別箇人人第五程○尋好夢夢難成况誰知  
我此時情枕前淚共芭蕉雨隔箇窓兒病到明  
蓋寫調鷓鴣天也之問在中路得之藏於篋間  
抵家為其妻所得因問之具以實告妻喜其語  
句清健遂出粧奩資夫取歸瓊至即棄冠櫛損  
其粧飾委曲以事主母終身和悅無少間隙焉

### 楚娘

楚娘名妓也以姿學自負作遊春桂花詩誇耀  
于人遊春詩曰破曉尋春緩轡行滿城桃李鬪

芳英桃紅李白皆麤鄙爭似冰肌瑩眼明桂花  
詩曰丹桂迎風蓓蕾開摘來斜挿竟相偎清香  
不與羣芳並仙種原從月裡來三山林茂叔與  
楚娘厚因官建昌携楚回家其妻李氏稍不能  
容楚題詞於壁以寓意云去年梅雪天千里人  
歸遠今歲梅雪天千里人追怨鉄石作心腸鉄  
石剛猶軟江海比君恩江海深猶淺李氏見詞  
乃曰人非木石胡不能容遂長衾大被三人共  
寢聞者以詩嘲之詩

堂集有嘲  
甚俚不錄

閩府妓

有士人訪一妓女在閩府侍宴候稍久遂賦一  
詞寄之云春風捏就腰兒細繫滴粉裙兒不起  
從來只向掌中看怎忍在炬花影裡酒紅應是  
鈿華褪暗感損眉峰雙翠夜深沾繡綉鞋兒靠  
那箇屏風立地詞至為閩帥所見喜其詞語清  
麗明日呼士來竟以此妓與之

瑞桂堂  
暇錄

獄官妻

一獄官冬夕苦寒妻正色責之曰爾煖衣飽食

畏寒不出獄中罪人當如之何其夫感悟自此  
留心于獄訟此妻本倡女未有所生一夕夢神  
人以綠衣袍圭付之後生一子登第

樂善錄

真氏

元

姚文公為翰林學士承旨日玉堂設宴歌妓羅  
列中有一人秀麗閒雅微操閩音公使來前問  
其履歷初不以實對叩之再泣而訴曰妾乃建  
寧人氏真西山之後也父官朔方時祿薄不足  
以給侵貸公帑無償遂賣入娼家流落至此公

命之坐仍遣使詣丞相三寶奴請為落籍除之  
公得報語一小史云黃康後顯官者我以此女為汝妻  
女即以我為父也史忻然從命京師之人相傳  
以為盛事云嘉興貝闕嘗有詩曰斷絲棄道邊  
何日緣長松墮羽別炎洲不復巢梧桐昔在至  
元日六合車書同玉堂盛文士燕集來雍雍金  
刀手割鮮酒給葡萄濃坐有一枝春秀色不可  
雙娉婷劉碧玉綽約商玲瓏寶釧金雀釵已覺  
燕趙空或聞操南音未解歌北風上客驚且疑

姓字初未通閭之慚復泣乃起陳始終妾本建  
寧女遠出西山翁父母生妾時謂是金母童梨  
花鎖院落燕子窺簾櫳迢迢官朔方位卑食不  
充侵貸國有刑桎梏加父躬粥女以自贖白壁  
淪泥中秋娘教歌舞屢入明光宮永為倡家婦  
遂屬梨園工京華多少年門外嘶青驄不如孟  
光醜猶得嫁梁鴻自傷妾薄命失落似秋蓬客  
聞為三歎天道何懵懵遣使白宰相削籍歸舊  
宗小史十八九勿恨相如窮配爾執箕帚今夕

看乘龍鴛鴦近玉樹鸚鵡開金籠  
棄汝桃花扇紅牙不復從提瓦  
自汲水絺綌自御冬時多困  
輾軻事或忻遭逢安知百尺井  
忽登羣玉峯借問為者誰內相  
姚文公南村輟耕錄

### 喜春景

喜春景姓段氏姿色不逾中人而藝絕一時張  
子友平章以側室置之

### 王金帶

王金帶姓張氏行第六色藝無雙鄧州王同知

娶之生子矣有譜之於伯顏太師欲取入教坊承應王因一尼為地求間於太師之夫人乃免

連枝秀

連枝秀姓孫氏京師角妓也逸人風高老黠化之遂為女道士浪遊湖海間嘗至松江引一髻髻曰閨童亦能歌舞有招飲者酒酣則自起舞唱青天歌女童亦舞而和之真仙音也欲於東門外化緣造菴陸宅之為造疏語多寓譏諷其中有不比尋常鈎子曾經老大鉗鎚百煉不回

萬夫難敵之句孫於是飄然入吳遇醫人李恕

齊乃欲下舊好遂從俗嫁之後不知所終

○南村輟耕錄云連枝秀姓孫氏蓋以色事人

者年四十餘因投禮逸之士風高老為師而主教

者素以空湛靜慧散人之號挾二女童放浪江

海間偶至松江愛其風物秀麗將結數椽為棲

息所郡人陸宅之居仁嘗往訪焉秀頗不以禮

貌因其請作墓綠疏遂為撰之疏曰京師第一

部教坊占排場曾使萬人喝采道德五千言公

案抽鎖鑰只因一片語投機向林下得大道高

指雲間問前緣福地一跳身纔離了百戲棚中

閨子雙擺手便作箇三清門下閒人赤緊的無

是無非到大來自由自在識盡悲歡離合幻打

開老病死生開交場功成陰陽炭燒空欲海脩

持行滿雖雄劬勞欲愁城七星冠剛替下鳳頭

八長八

上三

是空道可道名可名強名曰道往常時紅翠  
神生綃帕益可里草穎麻衣匾皂條銷金帳冷  
落風情養丹爐銷磨火性半世連枝帶葉算從  
前歷盡虎荒一朝剗草除根到此際方成結果  
男兒存一點志誠心百事可做少幾處風流清  
一筆都勾試問他濁酒狂歌爭如我清茶談話  
迷魂陣當時落陷人負我我負人總是我清茶  
關竄今日點開心即道通即心無非妙用牢看  
眼首烏飛虎走急回頭怕鶴怨猿啼五陵人買  
笑追歡掉頭不顧三島客談玄論道稽首相迎  
大都來幾箇知音多管是前生有分玉樓花下  
千鍾酒幾箇消歌白苧遇行雲紙帳梅邊一炷香  
纔眼白雲鄉皓齒細腰打疊少年歌舞錦心  
揜牙長存道眼燒夜香非尋佳偶妙鶴毫星月  
下禮拜茅君登春臺不望遠人駕鶴車雲霄上

追尋蕭史歌館化為仙館靜戲房當作道步  
爭洗嚙脂見全真本來面目輕歌擅板聽步  
別是宮商人盡誇七真堂添上箇小孫姑我只  
道五城山冊立下新王母不比尋常鉤子曾經  
老大鉗梃百煉不回萬夫難敵曠昔微通一笑  
白面郎爭與纏頭如今頓悟三生青眼客便當  
擡手既不作入夢朝雲暮雨也須撒等閒秋月  
春風苦教了蒲團上工夫使可到蓬壺中境界  
肯莊嚴一處千年香火是成就到頭陸地神仙  
金銀鈔等物是必大塊子捨來福祿壽利錢擬  
定加倍兒還你得道者多助看琳官寶殿日月  
一文輝愛人者必親仗玉磬金鐘晨昏報德疏文  
一出遠邇傳誦以資笑  
談秀不可留遂宵遁

劉婆惜

劉婆惜樂人李四之妻也江右與楊春秀同時

頗通文墨滑稽歌舞迴出其流時貴多重之先  
與撫州常推官之子三舍者交好苦其夫間阻  
一日偕宵遁事覺決杖劉負愧將之廣海居焉  
道經贛州時有金普菴撥里字子仁由禮部尚  
書值天下多故選用除贛州監郡平昔守官清  
廉文章政事敷歷臺省但未免耽於花酒每日  
公餘即與士夫酣歌賦詩帽上常喜簪花否則  
或果或葉亦簪一枝一日劉之廣海過贛謁金  
公全曰刑餘之婦無足與也劉謂閹者曰妾欲

之廣海誓不復還久聞尚書清譽獲一見而逝  
死無憾也全哀其志而與進焉時賓朋滿座全  
帽上簪青梅一枝行酒全口占清江引曲云青  
青子兒枝上結令賓朋續之衆未有對者劉楨  
祗進前曰能容妾一辭乎全曰可劉應聲曰青  
青子兒枝上結引惹人攀折其中金子仁就裏  
滋味別只為你酸留意兒難棄舍全大稱賞由  
是顧寵無間納為側室後兵興全死節劉克守  
婦道善終於家

青樓集

趙倡

印習隱字應雷知永嘉日開宴一伎頗有姿色  
而常不樂其內人呼而詰之對曰妾趙清獻公  
之後失身倡門有辱先祖言訖淚下內人以告  
守憫之於帝上擇一士嫁之房奩畢給有監郡  
高道彭齡亦助之行人以兩賢稱之

仇遠  
稗史

林奴兒

號秋香成化間南  
京舊院妓○本朝

從良有舊欲相見以扇畫柳題拒之

昔日章臺舞細腰任君攀折嫩枝條如今寫入

丹青裏不許東風再動搖

此謝天香聯句  
載前國雅誤收

張二

李太常開先罷少卿歸章丘有園林聲妓之勝  
積書甲天下博學喜填詞侍姬張二者本倡也  
年十八死殯于近遊園之北太常為之誄曰貌  
美言溫性堅情真身雖墮落烟花心則不染  
塵贊理內政蔚有令聞年青而折天公之命  
爾家之薄福抑蒼蒼之不仁求之  
奴其人惜乎不逢呂祖云又有

詞曰花

瓜真

開正值東風惡嫩葉紅英逐水飛  
料理相思岐路轉迢迢嬌容不  
無聞碧玉簫觸物傷情雙落淚  
綃又過張二墓詩曰枕邊遺囑言  
春雪未消幾欲臨風歌楚些遊魂  
杳杳不堪

李中麓  
閒居集

女史氏曰凡倡其初不必淫佚焉或托根非所  
習貫自然或失足不倫淪胥及溺人之無良一  
至此爾間有臨中流而海岬遂登薄虞淵而日  
車始稅即頓漸不同要其從道固一也視彼伏  
櫪尚翦鬣以充駒抑宜焚巢復將雛而稱鵠不  
大有徑庭乎至若憐才士則適願佳偶薦交誼  
則贖嫁文姬既表風流之標致且殖陰陽之善  
祥矣余因憶革朝之遺忠其後隸教坊者霍宗  
伯雖一嘗除籍未盡廓清唯當事者念之哉